

甲申雜記
清虛雜著補闕
征南錄

聞見近錄
咸淳遺事
青溪寇軌

隨手雜錄
三朝野史
青溪弄兵錄



咸
淳
遺
事

撰人不詳

中
華
書
局

叢書集成初編所選
墨海金壺守山閣叢
書粵雅堂叢書皆收
有此書墨海最早故
據以影印

咸淳遺事提要

咸淳遺事二卷不著撰人名氏列史藝文志亦未著於錄惟明文淵閣書目載有此書原題爲宋元間人所作其書於尊崇錫命諸政典紀之頗詳並備錄學士院所行制命之詞而國是之大者或反闕畧未載蓋所謂識小之流然其間遺篇故牘掇拾成編多史家所未備亦足以資考訂而明鑑戒也度宗咸淳之號盡十年而永樂大典載是書自卽位改元始迄八年而止尙缺其後二年不知何時殘佚其文字亦多脫誤謹釐爲上下二卷訂正如左

咸淳遺事 提要

二

咸淳遺事卷上

四庫全書原本

墨海金壺

史部

失名

景定五年甲子春二月辛未雨土行都大火時大元世祖皇帝之至元元年也秋七月甲戌彗出柳芒角燭天長十餘丈自四更從東方見日高方斂如是者月餘楊棟謂是蚩尤旗非彗也遂遭論去國己卯丞相賈似道參政楊棟同知葉夢鼎僉書姚希得奏事上曰彗出於柳彰朕不德夙夜疚心惟切祇懼宰臣奏曰陛下勤於求治有年於茲寧有闕失實臣等輔政無狀所致上貽聖鑒臣見上疏乞罷免可以上弭天災上曰正當相與輔承闕失止回天意臺臣交章言星變災異皆公田不便民間愁嘆不平之所致乞罷公田以答天意

賈似道亦丐辭右相位上曰言事易任事難自古然也使公
田之說不可行則卿建議之始朕已沮之矣惟其上可免朝
廷造楮之費下可免浙西和糴之擾公私兼濟所以舉意命
卿行之今業已成矣一歲之軍餉仰給於此若遽因人言而
罷之雖可以快一時之異議如國計何卿既任事亦當任怨
禮義不愆何恤人言卿宜安心毋孤朕倚毗之意於是羣議
遂息先是都漕劉良貴浙漕吳勢卿陳堯道曹孝慶合奏限
田之法自昔有之置官戶踰限田嚴歸併飛走之弊回買官
田可得一千萬畝每歲則有六七百萬之入其於軍餉沛然
有餘可免和糴可以杜楮弊可以餉軍可平物價可安富室
一事行而五利興實爲無窮之利上然之似道遂以自己浙

西萬畝爲公田倡嗣榮王繼之趙孟奎以自陳投賣故朝野無敢言者初議以官品逾限田外官買之際二百畝以下者免餘各買三分之一立價以租一石者償十八畝會四十楮不及者減價數租多則銀絹各半又多則度牒告身准直登仕郎三千楮將仕郎千楮校尉萬楮承信郎萬五千楮承節郎二萬楮安人四千楮孺人二千楮於是浙西六郡各有專官平江則包恢成公策嘉興則潘輝李補焦燠炎安吉則謝奕趙與貴王唐珪馬無演常州則洪璣劉子庚鎮江則章炯郭夢熊江陰則楊班貴伸並俟竣事各轉一官守臣並以主管公田繫銜其公田每歲秋租輸之官倉特與減陵二分或水旱則別議放數其間毗陵澄江一時迎合止欲買數之多

凡收六七斗者皆作一石收租之際元額有虧則取足於田主及歸附以來元無底籍田主又將止收四五斗者抵換元賣田數以致米數不敷遂成拋荒遺害農民迄今嗟怨

冬十月忠王卽皇帝位是爲度宗詔以明年爲咸淳元年詔曰皇天眷佑下民而作之君王者改元視始而正其本朕以菲質繼承至尊罔不在初永爲嗣德之義悠未有艾茲謹繼繩之謀竭貢式以清化原施曠恩而導和氣內則收召衆五以立邦家之基外則撫循三軍以固封疆之守期底寧於方夏用固茲於成功率循舊章靡違他務將更端於嗣歲因改歷以紀年永惟冲人祇膺丕憲奉顯謨而續服實同英廟之初躬達孝以盡倫爰法壽皇之制況咸平淳熙之際皆泰和

極盛之時乃輒嘉名式新紀歷庶幾咸樂利而致天下和平
之福一風俗而延運祚長遠之休嘉與函生共陶聖化其以
明年正月一日改爲咸淳元年赦文曰帝王統羣生實任撫
綏之寄眷狀正五始況承付託之初仰惟先皇丕承前烈繼
緒十有三聖光紹寧宗享國四十一年遠繼仁祖子民若保
事帝如臨以江海之量優容羣言以雨露之仁滲漉九有時
和風俗敦難乍消日引月長久於其道蚤朝晏罷適求厥寧
聖躬莫殫于焦勞中候遂愆於節適興言菲質共侍宸廷解
帶匪遠所則日間抱弓何及詎意天摧驚聞憑几之言俾奉
續圖之重恪承懇極勤撫多方創鉅痛深且孌孌而在疚投
艱遠尤懔懔以弗勝惟天地之德好生惟祖宗以仁立國

別屬君歸之初政式循單薄之舊章可大赦天下云云於戲
天付有家傳在予必精謀而疾敬德父有天下歸于子惟永
念而弗棄基庶能慰六軍萬姓之同心予以答中國四裔之
望治尚賴忠賢預輔文武百僚叶濟康功共扶昌運

翌日降內批曰子惟章聖嗣統之初復秦王官爵蓋太宗意
而章聖克享之故濟王生前之官先皇已自追復而有未復
所贈官爵乃留以遺之後人卽章聖降贈秦王太師中書
令之典也所當繼志以慰永懷可追復元贈少師保靜鎮海
軍節度使仍令所屬討論墳塋之制目下增修餘照先帝端
平元年六月十二日指揮衆通鑑宋寧宗嘉定十七年史彌
遠濟紹廢皇子玠爲濟王而立沂
王子貴誠卽理宗也又理宗端平元年太常少卿徐僑嘗侍
清閒陳友愛大義帝居乃命復玠官尚有司檢視墓域以時

又降內批曰恭稟慈訓先帝嘗欲照故太師崇獻靖王加
兩鎮恩數于太師嗣榮王治命不可違也令學士院擇日宣
鎖降制其制曰朕初紹丕圖恪遵慈訓棠棣孔懷之愛仰沐
先皇行葦內睦之仁孰加叔父撫紹熙一時之令典有憲靖
拜節之殊榮曩友則其兄恩未酬於素志今言猶在耳爰屬
于眇躬如對咫尺顏用孚羣聽具官芮聯暉皇極字關二總磐
元王帝弟之最尊多閱義理河間宗室之大雅獨備溫文厚
敘親賢時維昭著聳民瞻之赫赫莫重建旄訓公族之振振
有華襲爵式相好矣禮亦宜之粵予宅揆之初追感盡倫之
義承而弗德望而弗至惡乎用情敬其所尊愛其所親庶幾
達孝況承治命具有舊章是用端策涓辰揚庭渙號衮衣赤

爲仍冠槐司寶甲調戈加崇將鉞膺組不移于泮水新麾增
煥於雲安順考邦彝三公乃兼兩鎮特優宗老累朝不過數
人併衍爰田申陪奠食敢望馭貴惟以篤親於戲稽漢制之
兼郡連城用彰殊禮慨唐宗之大衾長枕能不愴懷式示蕃
釐以綏茂渥可特授武康寧江軍節度使依前太師判大宗
正事嗣榮王加食邑一千戶實封四百戶尊謝皇后曰皇太
后宮曰慈福太后兄謝奕封郡王姪堂堉堊皆節度使
立全氏爲皇后后理宗母慈憲夫人姪孫全昭孫文其制曰
王位在德元所以接千歲之統后職聽內治所以刑四方之
風朕肇總乾綱儀圖坤載文王爲世子問安嘗共至于寢門
太姒嗣徽音思媚並仰承于京室全氏冲和而淑茂懿敏而

靜專

開

圖史之遵動中佩環之節仰惟聖父謹擇諸妃典懷

慈憲之家我之所自出爰得元良之配因不失其親禕褵粲
入覲之儀衿袂盛來嬪之禮天作之合人無間言而能謙恭
自將柔恭有恪寒溫隨甘旨之適夙夜期警戒之成漢觀錫
名鍾在太孫之愛唐官臨藻增多慈母之歡朕丕紹帝圖敬
敷明則怡怡愉愉而奉太后茲惟卽位之初雍雍肅肅而惠
宗公端屬御家之始矧明惕于親訓仍申諭於眇躬謂子事
父婦事姑既無違禮則男正外女正內當舉上儀加重翟以
玉笄範盤螭于金璽式遵隆旨茂建鴻名於戲朕承長樂之
顏后則佐饒于東內朕奉清廟之祀后則親蠶于北郊關雎
有正始之基葛覃爲節用之本順夫陰陽之義則家理侔于

天地之行則物宜庸基化原永綏福履可立爲皇后仍令有司擇日備禮冊命

賈似道爲山陵使護理宗梓宮渡江殯于紹興之殯宮似道自上卽位累辭相印至是遂歸紹興私第去之後三日上遣都官牟源實御筆宣諭促還其書曰子夜不安枕未明求衣專俟師相歸處分萬幾之事今茲三日矣所降諭旨今差半源用致予意勉促師相速回宜諒深衷母事臯綏繼以似道未至復命陳昉再贊御筆宣促其書曰師相鎮安區夏綏撫生民怡然泰和之世今師相舍機政而歸錦里誰與子胥鎮安撫綏之任此豈泛泛悠悠越日與時從臣猶未有的回之報更命陳昉親行代予宣諭師相速還朝堂至意所在幸莫

矜體兩使既至越似道猶辭不已復奉表回退相印丐祠然後敢還上欲其回乃曲從之降內批曰賈似道援引故事毅然去國極力勉留累疏懇切渡江歸里其以數從臣宣召者亦既至再親筆由庚置往者日不下六七端殿從臣朝列今已八遣回闕之期未聞納祿之請隨至所賴師相力勉陳請又必以得祠爲期予亟欲師相之還朝姑爲雅志之是徇可依前太師鎮東軍節度使魏國公醴泉觀使兼侍讀仍奉朝請令學士院降制上又遣近臣同福三至其第邀請及制書至越賈似道又奉表辭太師上復不允遣使賜御筆曰師相盛烈元勲允合維垣之顯拜高懷雅志今因宅揆而力辭陳請甚堅執謙難奪予惟成王初政方有賴于經邦周公爲師

曾何嫌于作輔至勤累疏再徇陳辭雖重拂于予衷然愈成于厚德姑仍舊品益壯賢猷式慰仰成彌深嘉歎似道奉詔再辭乃從之將入朝間有旨令百官班迎于郊似道又上表固辭上望其來乃降內批從之其文曰公袞來歸朝紳迎候羣臣有請宜遵仁廟之舊章師相力辭且援先朝之近例欲成謙志宜徇忱辭于是似道始入朝既至有旨師相謁告日不請歸班令閤門獨引見似道問命又上疏力辭上乃許以謁告日仍舉朝儀遂降褒諭詔曰惟冲人之涼菲倚師相以經綸游秉台衡益隆朝棟篤前人光烈作周孚先暨乃僚同心惟誠納誨資良猷之忠告慕慶歷之盛時欲推車之必行若和羹之相濟此開忱布公之道而集忠廣益之規顧機